

直之神下元太一錄其罪目上奏天曹命過之後不墮下方無極世界真穢地獄之中長免臭處之苦後生人中伏樂無量於是保命真人及諸仙衆一心頂禮敬奉教言

高上老子曰如是十方天尊皆是元始應氣

生死十方安鎮國土教導衆生隨其緣感散影分身變見無窮與劫輪轉隱顯不恒間度一切禍被萬天若道士女冠及諸男女能發善心爲人主國王父母妻子已身眷屬七祖九玄天下地上一切衆生隨其分力金銀珠寶玉石鋼鐵丹青繡畫造其形像布散十方遍滿國土禮拜供養立觀度人行道念誦散華然燈懺悔發願奉誠持齋見世安樂過去生天獲福無量不可思議若國主有災日月勃蝕星辰失度水旱不調兆人疫厲兵革四

興當於靈觀玄壇及以宮殿庭闕以萬二千燈作十重千二百盞開八方門使內外圍足光明朗徹然於其中晝夜禮懺散華燒香歸命十方一千一百六十靈像名號稱揚念誦建大寶齋放生布施立百高座講說三洞大

乘妙經即得國土安樂天下太平若公侯牧伯一切人民有衆災危亦當勤行見世昌熾七祖昇天免脫地獄長夜光明世世罔極長享無爲然燈之法亦可羅列十方千二百盞亦可大建寶輪上安萬二千燈亦可所在立之公侯以千庶人用百皆依此法夜則使燈光不絕晝則息之俾散之日皆當廣設大齋行道讚歎言功諸天得福無量不可勝言於是十方真人及諸徒衆一時稽首稱善而退老子像名經卷之十

正一天師清微弟子
道教學術

二經同卷
太上老君說報父母恩重經
玄天上帝說報父母恩重經

女十五

太上老君說報父母恩重經

爾時

太上老君於西郡玉國鬱利山中敷暢道德宣闡科戒廣爲十方說因緣事於時隨從五萬人俱往彼處忝幸遭逢會學奉義手禮諸尊顏問訊既周是時衆中有一真人名曰海空智藏出班長跪白

太上曰臣等稟受髮膚皆因父母父母之恩深無由報效惟願大慈愍傷一切如蒙慈訓生死荷恩爾時

太上惻然良久告海空智藏言善哉善哉子之所問要乎深矣子可諦聽當爲解說夫形直者其影必正形不直者其影必斜其聲清者其響必淨聲不清者其響必濁孝與不孝其義如是若孝悌者一家之中老少安樂天

人欽仰神明守護子孫相承孝慈不斷招感
孝順以為其子若不孝者世相繼一門之
內總是冤家雖為父子甚於讎敵招五逆以
為其兒父子兄弟各財異食同園別業共田
分穀隱藏珍饈與食如偷雖是人形不如禽
獸神明不佑天下輕欺一生所為諸不吉利
死入地獄受一切苦罪畢受報為百勞鳥生
子能飛共食其母百劫之後託生人中聚集
五逆諸不孝緣共為父子更相殘害死生憂
苦輪轉無窮天下苦痛莫過於此夫人生世
父母為親非父不生非母不養是以天地覆
瘳寄託母胎氣識相凝懷娠十月縈姓胞重
坐臥失常歲滿月充誕育之候其母恐怖性
命假然惻怛心神憂喪產孕之日內觸外觸
苦痛交切失聲號叫受大苦惱匍匐戰懼駭
愕驚嗟及至生已手摩其頂墮於草上呱呱
號啼安藏被褥側身三月常畏邪魔之所侵
害飢時須飯非母不哺渴時須飲非母不乳
計飲母乳八斛四升十日提携遮蓋塵垢推
乾就濕嚙苦吐甘非義不親非母不養忍離

欄車出於地上十指爪中食子不淨母或東
西確磨隣里官私急切不得時還即知我兒
家中啼哭母子天親心性相感分母百骸而
為兩身氣血相傳兩體無二兒既憶母母即
心驚馳步走歸兩乳湧出還到門外見子庭
中或在欄車或房門際或有人抱或無人抱
或在牀上或在地下或時坐不淨或時把泥
草或高啼哭或啼哭欲止舉眼見母啼笑嗔
嘻搖頭弄腦曳腹而行嗚手嗚手哀向其母
母乃為兒屈身下就長舒兩手拭除不淨吹
噓其口以乳與之舍孔看母嘻嘻其聲母見
兒喜兒見母喜二情思想慈愛親重情親相
念莫過於此二歲三歲弄意始行寒熱屎尿
非母不悉笑時懷喜啼時知嗔唯樂飲食所
餘無願父母行來值他酒座或得餅肉不敢
不食懷挾將歸向與其子十回九回恒常歡
喜一回不得嬌聲伴啼以此為常嬌生不孝
孝子不嬌必有慈順及年長大朋友相隨年
生少壯就既逸樂梳頭摩髮欲得好衣揀擇
精妍持為其子羸踈弊惡父母自充忍無衣

裳經求四遠傾心南北逐子東西橫簪向頭
為索妻婦情愛偏重其母轉疎私房之中共
相笑語父母年老氣力漸衰終朝至暮不來
省問獨守空房猶如外客少衣少食飢凍切
身手脚胼胝耳聾眼暗單床飄薄度日如年
身疲疴贏多饒蟻虱蚊蚋嗜體通夕不寐長
吟嘆息何罪之有生此不孝之子拄杖巡喚
低頭下氣欲伸所欠未盡前言其兒與聲眼
目罵詈回頭却退扶壁而歸抱胃自非流動
目腫連聲唱苦不如早亡母告兒言汝初小
時非吾不有飲食遮蔽非吾不養懷汝十月
如携重擔氣息齊喘劇於走馳或時寒熱坐
卧不安腹皮拆裂心胃填滿髮落消瘦不能
飲食臨生產時逆前一月常懷憂怖恐不相
離或有時安或有時患當生之日命如風瀾
四肢百脉及以五藏或如刀刺或如鈎穿或
熱如火或冷如水比當解離或死或生盡世
問苦口不能述既得生已喜懼交集諸苦諸
痛不可堪忍三年携抱日夜不離坐卧不淨
眠食失時視兒氣色將息飢渴或有疾病父

母心痛開子慈苦母不能食心口乾燥萬種
求福黃金白銀衣服玩具心念子可無所吝
惜念汝小時東西隨我不離寸步食亦隨我
眠亦隨我一日無我終日不食一夜無我啼
哭不眠如何長大忽成克對今雖有汝不如
本無付之於天幽冥當鑒願我早過與你相
離奈何奈何爾時

太上說斯事已即現神變令此大地一切震
動於震動中忽見此方地獄之內無數眾生
足踐刀山手穿劍樹拔出其舌鐵柱刺之酷
痛號哭身體爛爛毛孔之內悉皆流血大小
狼藉流曳楚毒於是海空智藏肅寒毛豎流
淚嗚咽上啓

太上曰斯之罪魂何罪令爾是時

太上告海空智藏言斯罪人也生不慈孝違
棄父母誹謗三寶侮慢出家今之受報塗炭
何極日趨長遠無可如何爾時

太上仍說偈言

善善自會善 惡惡歸惡根 生前不慈孝
死後報何恩 若哉繁痛毒 往返十八門

非吾三教日 何得暫蒙原
爾時

太上說此偈已大衆悲號流淚不止便即抗
手彈指於彈指中即令大衆四面顧視盼於
南方即見南官天堂之內善男女等威儀岸
序華容挺出天厨百味珍玩無有窮者恣形
妍盛娛樂自在智藏歡喜重白道言不審此
人承何福對得處天堂衣食自然受此快樂
爾時

太上答海空智藏言此人生時至心慈孝供
養父母禮敬三寶布施持戒信重出家今受
福慶果報無窮是時

太上仍說偈曰

前緣至孝慈 供養禮無違 敬信於三寶
無期福會歸 天堂裏容曳 福社高巍巍
斯樂今無極 由來福慶隨
爾時

太上說斯偈已嘆息良久告海空智藏言善
哉善哉父母恩重昊天罔極嗚呼慈母云何
可報吾憶前世誕於洪氏胞凝神瓊胎之府

積三千七百年遠至上皇重胞李母陰陽數
極八十一年思報母恩至今劫期猶恐不復
何況子等凡流之輩而不報恩竭力盡心尚
虧禮敬況犯上事而有差違諸教戒中不宜
其目三十六部不著斯言千聖萬聖誰不遵

教況子學道而不報恩汝等衆人深宜篤志
外存孝養內蘊弘慈粉骨糜身亦不能盡若
有衆生能為父母書寫此經讀誦受持燒香
禮拜於中元日設大齋醮市辦名香緣山摘
藥造諸淨供夙夜懇懇請福祈恩拔度先祖
名報父母養育之恩五逆十惡罪得消滅若
能每月一日日中清齋燒香行道禮拜誦念
轉讀此經罪亦消滅名報父母又於此日常
請高上淨德法師開講此經宣通妙義勸衆
生等發慈孝心如此功德最上第一不可思
議千萬功德不如相勸講誦報恩於其中間
聞此經者忍生孝心供養父母福德無量上
感諸天一切大聖中感幽冥一切靈識下流
後世遠代子孫皆生孝順恭敬不絕爾時大
衆及海空智藏真人等聞

太上說無上恩重報父母經各懷涕淚受斯語已愈感孝誠刺骨不忘尊敬殷重各還本國稽首奉行

太上老君說報父母恩重經

玄天上帝說報父母恩重經

妙緣無修妙行無積從修有修修緣證妙從積有積積行通妙妙本從無修積自有廣演妙緣願言勸修煩絲妙行示相有積妙緣妙行既通修積若世眾生一念一動緣行俱在迷感本來毀無失有如人父母誕生男女始相不見託相為有中相相化萬狀艱難苦惱憂慮悲感從相起我既託相日惱父母令我父母日夕悲酸我相既有父相母相日漸衰朽緣我相故令我父母始相沉埋父母男女輪轉無已。是此有相同歸苦惱我從今日從我相中悉滅貪嗔惡破險峻持念平等用報始相使我始相大得快樂無諸苦惱世世生生託相全具不致衰朽然後滅除始相令無相著將此無著同滅始相我相始相悉歸無著相既無著不見不有不起不為無礙無障無閉無塞自然去累不墮苦海普願欽信日持奉行

玄天上帝說報父母恩重經

玄帝報恩聖號

志心皈命禮玄元應化武曲分真垂念我等眾生有相託生父母懷胎十月乳哺三年辛苦百千殷勤寸念令我父母日漸衰朽我今持念平等悉滅險峻貪嗔禮帝為師祈恩報本願我見在父母福壽增延過去父母早得超生大聖大慈大仁大孝八十二化報恩教主佑聖真武治世福神玉虛師相玄天上帝金闕化身天尊

昔秦清大帝第八十二次化身托聖父淨樂國王聖母妙祥天主降生為太子纔七歲即離親去國潛身入太和山中修道歷四十二年功成冲舉位鎮北方為玄天帝感父母生恩之重故說此經若有善信男女體玄天聖訓以孝道存心持齋三年禮念聖號一萬八千遍以按道經一藏篇目之數以答父母三年乳哺之恩有志之士又能尋詳經義精進道功雖億劫四重之恩皆可以報而九幽三途之苦亦可以濟矣豈但報父母之恩而已哉傳曰仙經